

Á MESA DO PARLAMENTO

O Grupo Parlamentar de En Marea, a iniciativa dos seus deputados **Davide Rodríguez Estévez e Paula Quinteiro Araujo** e a través do seu voceiro **Luís Villares Naveira**, ao abeiro do disposto no artigo 160 do Regulamento da Cámara presenta a seguinte **Proposición non de lei** para o seu debate na **Comisión 7.^a**, sobre a necesidade de convocar un novo proceso das cualificacións profesionais.

EXPOSICIÓN DE MOTIVOS:

No DOG do pasado 19 de xaneiro, saíu publicada a orde de 30/12/2016 que convoca o recoñecemento das competencias profesionais adquiridas por experiencia profesional.

Na argumentación do comunicado de solicitude de avaliadores para este proceso da Dirección Xeral de Ordenación Forestal do pasado 10 de xaneiro, cítase a Proposición non de lei, presentada pola CIG a distintos grupos parlamentares e debatida neste Parlamento en xaneiro do ano 2016 onde se instaba ao goberno galego a proceder a acreditación profesional dos traballadores do dispositivo.

A cualificación profesional á que se opta é (70 prazas) :

Operacións de vixilancia e extinción de incendios forestais e apoio a continxencias no medio natural e rural SEAD 595_2" e esta dividido nas seguintes Unidades de Competencia:



1. UC1964_2: Executar labores de vixilancia e detección de incendios forestais, mantemento de infraestruturas de prevención e extinción, e informar á poboación.
2. UC0272_2: Asistir como primeiro intervinente en caso de accidente ou situación de emerxencia.
3. UC1966_2: Realizar labores de apoio en continxencias no medio natural e rural.
4. UC1965_2: Executar operacións de extinción de incendios forestais.

Dende En Marea, solicitamos da administración que convoque á maior brevidade un novo procedemento de recoñecemento das competencias profesionais por dúas razóns fundamentais:

A primeira, a importantísima demanda que se produciu coa primeira convocatoria -neste ano 2017-, onde se superaron con moito as cincocentas solicitudes no proceso onde ao noso entender non se lle deu a suficiente difusión.

A segunda razón é que se debe facilitar o proceso de certificación profesional a todo o persoal do SPDCIF, así como unha formación axeitada as súas competencias laborais.

A maiores, instamos á Xunta a dar a formación necesaria e esixida por lei ás traballadoras e traballadores do SPDCIF, sobre todo no referente ás U.C. 1966_2 e 0272_ 2, U.C completamente regradas a nivel formativo a día de hoxe e imprescindíbeis para o desenrolo da profesión.

Por todo o exposto anteriormente, o Grupo Parlamentar de En Marea presenta a seguinte Proposición non de lei, para o seu debate na Comisión 7.^a



O Parlamento de Galicia insta a Xunta de Galicia a convocar as cualificacións profesionais que abarque a todo o dispositivo do SPDCIF (2000 prazas), tal e como se fixo noutras comunidades do Estado.

Santiago de Compostela a 29 de setembro de 2017

Asdo.: Davide Rodríguez Estévez
Paula Quinteiro Araujo
Deputados do G.P. de En Marea
Luís Villares Naveira
Voceiro do G.P. de En Marea

Asinado dixitalmente por:

David Rodríguez Estévez na data 02/10/2017 10:22:06

Paula Quinteiro Araújo na data 02/10/2017 10:22:16

Luis Villares Naveira na data 02/10/2017 10:22:30